



220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил - 21 - Май

№ 1184 и

Боғот шаҳарчаси

Хоразм вилояти ҳокимининг 2020 йил 18 майдаги “Ўсмир ёшидаги ҳамда олдин ҳисобга олинмаган катта ёшдаги фуқароларни шаҳарлар ва туманлар чакирув пунктларида ҳисобга олиш тўғрисида”ги 193к-сонли қарори ижроси ҳақида

Ўзбекистон Республикасининг “Умумий ҳарбий мажбурият ва ҳарбий хизмат тўғрисида”ги қонунига асосан, шаҳарлар ва туманларда истикомат қилаётган умумтаълим мактаблари, академик лицей ва касб-хунар коллежларининг битирувчи ўғил болаларини ҳамда олдин ҳисобга олинмаган катта ёшдаги фуқароларни туман чакирув пунктида қайд қилиш мақсадида

Қарор қиламан:

1. Туман ҳудудида жойлашган умумтаълим мактаблари академик лицей ва касб-хунар коллежларининг битирувчи ўғил болаларини ҳамда олдин ҳисобга олинмаган катта ёшдаги фуқароларни 2020 йил туман чакирув пунктида қайд қилиш ишларига тайёргарлик кўриш ва ўтказиш режаси иловага мувофиқ тасдиклансин.

2. Туман мудофаа ишлари бўлими (Б.Бердибоев) туман маҳалла ва оилани қўллаб-қувватлаш бўлими (Э.Рўзметов) ҳамда бошқа тегишли муассасалар ва ташкилотлар билан ҳамкорликда:

2020 йил июнь ойида умумтаълим мактаблари, академик лицей ва касб-хунар коллежларининг битирувчи ўғил болаларини ҳамда олдин ҳисобга олинмаган катта ёшдаги фуқароларнинг туман чакирув пунктида қайд қилиш ишларини ташкиллаштирадилар;

2020 йил 1 июндан бошлаб, умумтаълим мактаблари, академик лицей ва касб-хунар коллежларининг битирувчи ўғил болаларини ҳамда олдин ҳисобга олинмаган катта ёшдаги фуқароларни чакирув пунктида қайд қилиш учун мудофаа ишлари бўлимининг Куролли Кучлар хизматчилари томонидан ўрганиш тадбирлари ўтказилсин;

ўрганиб чиқишда асосий эътибор ўсмир ёшидаги фуқаролар билан бевосита мулоқот қилиш натижасида уларнинг оилавий шароитларини ўрганишга, ватанпарварлик туйғуларини уйғотишга, чакирилувчилар ва ҳарбий хизматчилар ҳуқуқлари мажбуриятлари ва имтиёзларини тушултирилишига қаратилсин.

3. Туман тиббиёт билашмаси (А.Саидов):

Ўзбекистон Республикаси Мудофаа вазирлиги, Миллий гвардияси, Фавкулудда вазиятлар вазирлиги, Давлат хавфсизлик хизмати, Ички ишлар вазирлиги, Соғлиқни сақлаш вазирлигининг 2019 йил 3 апрелдаги “Ўзбекистон Республикаси Қуролли Қучларида тинчлик ва уруш даврида тиббий кўрикдан ўтказишни ташкил этиш ва амалга ошириш тартиби тўғрисидаги низомни тасдиқлаш ҳақида”ги 3147-сонли қарорига асосан чакирув участкасини зарурий тиббий анжомлар, асбоб-ускуналар ва ташхис аппаратлари билан жиҳозлашни;

2020 йил 1 июндан 30 июнгача ўсмир ёшидаги фуқароларни ўз вақтида сифатли тиббий кўрикдан ўтказилишини;

туман чакирув участкасида ҳудудий тиббий комиссияси ишларининг ташкилаштирилишини;

ўсмир ёшидаги фуқароларни тиббий кўрикдан ўтказишга қаратилган тадбирларнинг амалга оширилишини;

жорий йилнинг 1 июнидан 30 июнигача тиббиёт ходимларининг иш ҳақи сақланган ҳолда туман чакирув участкаларига келишини таъминласин.

2020 йил 1 июндан карантин талаблари ўз кучида қолдирилган тақдирда, чакирув участкасида ҳудудий тиббий комиссия ишларини карантин талабларига мувофиқ ташкил этсин.

4. Чакирув участкасига қайд қилиш даврида ўсмир ёшидаги фуқароларни ҳужжатларини расмийлаштириш учун иш ҳақи 100 фоиз сақланган ҳолда 2020 йил 1 июндан 2020 йил 30 июнгача қуйидаги корхона ва ташкилот раҳбарларига биттадан техник ходимлар ажратиш топширилсин.

- Туман Аҳоли бандлигига қўмаклашиш маркази;
- Туман Ветеринария ва чорвачиликни ривожлантириш бўлими;
- “Хоразм сув таъминоти” МЧЖ Боғот тумани бўлими;
- Туман тиббиёт бирлашмаси;
- Боғот тумани Тадбиркорликка қўмаклашиш маркази;

5. Туман ички ишлар бўлими (А.Абдуллаев):


“Умумий ҳарбий мажбурият ва ҳарбий хизмат тўғрисида”ги Ўзбекистон Республикаси қонунининг 45-моддасига асосан:

чакирув участкасига ўз вақтида ҳисобга олиш учун сабабсиз келмаган фуқароларнинг олиб келилишини;

жиноий жавобгарликга тортилган, тергов ишлари олиб борилаётган ва профилактик ҳисобида турган ўсмир ёшидаги фуқароларнинг рўйхатини мудофаа ишлари бўлимига белгиланган муддатда тақдим этилишини таъминлаш вазифаси юклатилсин.

6. Мазкур қарорнинг бажарилишини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари - туман иқтисодий тараққиёт ва камбағалликни қисқартириш бўлими бошлиғи С.Қурбонов зиммасига юклатилсин.

Туман ҳокими



О.Холбоев